

De Constructione Problematum Solidorum, sive
 Æquationum tertiae vel quartæ Potestatis, unica
 data Parabola ac Circulo efficienda ; dissertati-
 uncula : Authore *Edm. Halley.*

Quo pâcto æquationes omnes Cubum vel Quadrato-qua-
 dratum quantitatis incognitæ involventes, ope Parabolæ
 cujuscunq; datæ & Circuli, construi possint, clare tradit ac Li-
 quido demonstrat præclarus ille Cartesius in Lib. III. Geome-
 triæ suæ : sed primum jubet secundum æquationis terminum, si
 adfuerit, tollere, ac deinde reductæ æquationis Radices regula
 ibidem exposita elicere. Cum vero operatio ista nimis laborio-
 sa videatur, nonnullis visum est constructionem similem etiam
 absq; ulla prævia reductione comminisci ; inter quos Franciscus
 a Schooten Methodum valde facilem ac simplicissimam pro con-
 struendis Cubicis quomodolibet affectis prodidisset, si modo ex-
 posito principio unde regulam derivavit, Lectoris memorie,
 quam plurimis ac intricatis cautionibus obruit, melius studuis-
 set. Nuper vero Vir Cl. D. Thomas Baker nostras, integro
 libello de constructionibus hisce conscripto, non solum Cubicas
 sed etiam Biquadraticas omnes cujuscunq; generis unica generali
 regula complexus est, eamq; demonstrationibus ac Exemplis per
 omnes casus abunde satis illustravit ; nec non sub finem modum
 proponit unde regula ista generalis investigari possit : Haud ta-
 men illum ipsum ostendit, cuius ope (uti suspicor) Clavem suam
 Geometricam Catholicam obtinuit, vel saltem multo facilius
 obtinere potuit. Cumq; perplexis cautionibus de signis +
 & — Regula hæc D. Bakeri non minus obnoxia sit quam illa
 Schooteni, ut vix absente libro constructiones illas quis tuto
 peragat ; haud injucundum nec Tyronibus incommodum fore vi-

U u


sum

sum est, utriusq; fundamentum exponere, ac simul emendata methodo, in re tam difficulti, lucem quantum valeam afferre.

Construcción quam tradit Cartesius, quæq; facilissime radices aequationum omnium Cubicarum vel biquadraticarum, ubi deficit secundus terminus, eruit, ut nota supponi potest; attamen cum cardo sit a quo subsequentia pendent, ne dissertatiuncula hec capite truncata videatur, ex illius Geometria desumptam placuit Regulam adjungere, pauculis nonnullis in melius uti reor transpositis.

Deficiente secundo termino omnes aequationes Cubicæ reducuntur ad hanc formam $z^3 + * \cdot apz - aaq = 0$, ac Biquadraticæ ad hanc $z^4 + * \cdot apzz - aaqz - a^3r = 0$. (ubi a designat Latus rectum Parabolæ cuiusvis datae, quam in Construccióne adhibere licet,) vel sumendo a pro Unitate, ad hanc $z^3 + * \cdot p z - q = 0$, vel ad hanc $z^4 + * \cdot pzz - qz - r = 0$.

Jam data Parabola F-
A G cujus Axis fit A C-
D K L ac latus rectum a
vel 1, fiat A C ejus dimi-
dium ac collocetur semper
a vertice A versus interi-
ora figuræ: dein sumatur
C D = $\frac{1}{2} p$ in linea illa
A C continuata versus C
si in aequatione fuerit $-p$,
vel versus alteram par-
tem si habeatur $+p$. Por-
ro e punto D, aut ex punc-
to C si non habeatur quan-
titas p, erigenda est ad
axem perpendicularis D-
E aequalis $\frac{1}{2} q$, dextror-
sum quidem si fuerit $-q$, ad alterum vero axis latus si fuerit
 $+q$; ac Circulus centro E radio A E descriptus, si aequatio fu-
erit tantum Cubica, Parabolam tot punctis F & G intersecabit
quot veras habet Radices, quarum quidem affirmativæ ut G K



erunt ad dextram Axis partem, Negativæ ut F L ad finistram.

Ait si Aequatio Biquadratica fuerit, augeri vel minui debet Circuli Radius AE, addendo si fuerit $-r$, vel subducendo, si sit $+r$, ex ejus quadrato rectangulum a r, seu contentum sub Late-re recto & quantitate data r; id quod nullo fere negotio efficitur Geometrica. Hujus vero Circuli intersectiones cum Parabola omnes veras Biquadraticæ Aequationis radices dimissis ad Axem perpendicularis exhibebunt; Affirmativas quidem ad dextram Axis, Negativas vero ad finistram. Totius demonstrationem Cartesio ejus inventori relinqno.

Notandum hic me operam dare ut semper habeantur Radices affirmativæ ad dextrum Axis latus, ut evitetur confusio a pluribus cautionibus, quarum causa minime evidens est, necessario critura.

His præmissis, ut aditus pateat ad constructionem etiam earum æquationum ubi reperitur terminus secundus, consideranda venit regula pro tollendo termino secundo, ac reducenda æquatione ad aliam quæ methodo præcedente construï possit. Omnes vero hujus classis æquationes cubicæ ad hanc formam $z^3 \cdot b z z \cdot a p z \cdot a a q = 0$, vel ad hanc $z^3 \cdot b z z \cdot * \cdot a a q = 0$. Biquadraticæ vero ad hanc $z^4 \cdot b z^3 \cdot a p z z \cdot a a q z \cdot a^3 r = 0$, vel hanc $z^4 \cdot b z^3 \cdot * \cdot a a q z \cdot a^3 r = 0$, vel $z^4 \cdot b z^3 \cdot a p z z \cdot * \cdot a^3 r = 0$ vel deniq; ad hanc $z^4 \cdot b z^3 \cdot * \cdot * \cdot a^3 r = 0$ reduci possunt: e quibus omnibus, prout signis $+$ & $-$ diversimode connectuntur, ingens oritur varietas; unde Regula generalis omnibus inserviens obscura ac maxime difficultis redditur, nisi methodo quam sub-jungimus illustrata nodisq; extricata tractetur.

Tollitur in Biquadraticis secundus terminus, ponendo $x = z - \frac{1}{4}b$, si fuerit $+b$ in æquatione, vel $x = z - \frac{1}{4}b$, si fuerit $-b$: hinc $x - \frac{1}{4}b$ in prima casu, & $+ \frac{1}{4}b$ in altero æquatur z; & iu æquatione quavis proposita, substituta loco z quantitate æquali, prodibit nova æquatio termino secundo carens, cuius radices omnes x data differentia $\frac{1}{4}b$ vel excedunt vel deficiunt a radice quæsita z: Cum vero in rebus istiusmodi plus exempla quam præcepta valere solent, proponatur una vel altera æquatio Construenda.

Exemp. I.

$$z^4 + bz^3 - apzz - aaqz + aaaa = 0.$$

$$\text{Sit } x - \frac{1}{4}b = z$$

Et erit

$$xx - \frac{1}{2}bx + \frac{1}{16}bb = zz$$

$$xxx - \frac{3}{4}xxb + \frac{3}{16}xbb - \frac{1}{64}bbb = z^3$$

$$\& x^4 - bx^3 + \frac{3}{8}bbbxx - \frac{1}{16}b^3x + \frac{1}{256}b^4 = z^4.$$

binc.

$$\begin{aligned} x^4 - bx^3 + \frac{3}{8}bbbxx - \frac{1}{16}bbb x + \frac{1}{256}b^4 &= z^4 \\ + bx^3 - \frac{3}{4}bbbxx + \frac{3}{16}bbb x - \frac{1}{64}b^4 &= +bz^3 \\ - apzx + \frac{1}{2}apbx - \frac{1}{16}apbb &= -apzz \\ - aaqx + \frac{1}{4}aaqb &= -aaqz \\ + aaaa & \end{aligned}$$

Harum omnium summa fit æquatio nova secundo termino carens, quæq; proinde juxta regulam Cartesianam construi posset, sumendo loco $\frac{1}{2}p$ dimidium coefficientis termini tertii per a sive Latus rectum divisi, hoc est $\frac{3}{16}\frac{bb}{a} = \frac{1}{2}p$; ac Loco $\frac{1}{2}q$, dimidium coefficientis termini quarti per aa divisi, sive $+\frac{1}{16}\frac{bbb}{aa}$ $+ \frac{1}{4}\frac{pb}{a} = \frac{1}{2}q$. Cujus partes signo + notatae sinistrorsum ab Axe, signo - notatae dextrorsum collocandæ sunt, ut habeatur centrum Circuli ad constructionem requisiti, ac cuius intersectio-nes cum Parabola, dimissis in axem perpendicularis, radices omnes veras x designet, affirmativas quidem ad dextram axis, negativas vero ad sinistram. Cum vero $x - \frac{1}{4}b = z$, ducendo lin-eam Axi parallelam, ad dextrum ejus latus & ad distantiam $\frac{1}{4}b$, perpendicular illa ad hanc parallelam terminata designabunt omnes radices quæsitas z, affirmativas ad dextram, negativas vero ad sinistram. Radium circuli quod attinet, habetur ille addendo partes negativas ac auferendo partes affirmativas termini quin-ti per a a divisi, e quadrato lineæ AE, a centro invento E ad Ver-

Verticem Parabolæ A ductæ : id quod maxima ex parte efficitur capiendo loco lineæ AE lineam EO, quæ ad O intersectionem Parabolæ ac parallelæ prædictæ terminatur ; ejus enim quadratum omnes termini quinti partes ex ablatione termini secundi æquationi novæ ingestas complectitur (uti facile probabitur :) ac restat solummodo ut ipsius EO quadratum augeatur, si in æquatione habeatur $-r$, vel minuatur si sit $+r$, additione vel subtractione rectanguli a r , unde conflatur quadratum Radii Circuli quæsiti.

Hec est methodus investigandi regulam centralem Dni Bakeri omnibus cautionibus libera ac satis facilis ; ac sola differentia ex eo provenit, quod ego juxta Axem, ille vero juxta Axi parallelam circuli ejusdem centrum determinat : quodq; ego semper radices affirmativas ex Axis dextro latere invenio, quas ille nunc dextro nunc sinistro constituit.

Æquationes cubicas quod attinet, eæ reduci debent ad Biquadraticas, antequam eadem regula generali construi possint ; id quod fit ducendo æquationem propositam in radicem suam z, unde provenit æquatio Biquadratica in qua deficit terminus ultimus sive r : quapropter sublato secundo termino & invento centro E, linea EO est radius Circuli ; cum scilicet a r sit $=0$, & in nova æquatione totus terminus quintus ex ipso ablatione termini secundicriatur. Construenda sit hæc æquatio.

Exemp. II.

$$\begin{aligned} z^3 - bz^2 + apz + aaq &= 0 : \text{ Quæ ducta in } z \text{ fit} \\ z^4 - bz^3 + apzz + aaqz &= 0. \\ \text{Ad tollendum secundum terminum ponatur } x + \frac{1}{4}b = z, & \text{ & fiet} \\ x^4 + bx^3 + \frac{3}{8}b^2bx^2x + \frac{1}{16}b^3x + \frac{1}{256}b^4 &= +z^4 \\ = bx^3 - \frac{1}{4}bbxx - \frac{3}{16}b^3x - \frac{1}{64}b^4 &= -bz^3 \\ + apxx + \frac{1}{2}abpx + \frac{1}{16}apbb &= +apzz \\ + aaqx + \frac{1}{2}aaqb &= +aaqz \end{aligned}$$

In hac nova Æquatione, tertii termini semicoefficiens per a divisa, viz. $= \frac{3}{16} \frac{b^2b}{a} + \frac{1}{2}p$, loco $\frac{1}{2}p$ usurpanda est ; ac coeffientis

W w

cientis

cientis termini quarti dimidium, divisum per a a Lateris recti quadratum, viz. — $\frac{b b b}{16 a a} + \frac{p b}{4 a} + \frac{1}{2} q$, vicem ipsius $\frac{1}{2} q$ in constructione Cartesii subit; unde centrum E determinatur. Deinde ducta Axi parallela ad distantiam $\frac{1}{4} b$ ad sinistrum ejus latus (ob $x + \frac{1}{4} b = z$) cuius intersectio cum Parabola sit O; circulus centro E, Radio EO descriptus Parabolam secet vel tangat in tot punctis quot aequatio veras habet radices: quæ quidem radices seu z sunt perpendicularia de punctis illis in Axi parallelam demissa; ad dextram-quidem Affirmativæ, Negativæ ad sinistram.

Si in aequatione defuerit terminus tertius vel quartus vel uterq.; in investiganda regula centrali nulla omnino observanda est methodus differentia, sed deficiente quantitate p vel q, derunt partes illæ linearum C D ac D E ex quantitate illa aliquo modo deductæ, ac procedendum est cum reliquis coefficientibus termini tertii and quarti in aequatione nova, sicut in præmissis exemplis præscriptum est.


Hactenus Cl. Bakeri methodum generalem pertractavimus, qua quidem nulla alia facilior ac parator expectanda est, assumpta ad constructionem sive Parabola, sive alia quævis linea curva, cum scilicet aequatio ad Biquadraticam ascendit. Etenim dum hæc scribo mihi occurrit regula Centralis Effectio Geometrica præter omnem spem expedita, ac harum rerum Curiosis abunde satisfacta.

Descripta Parabola N A M, cuius vertex A, Axis A B C ac latus rectum a, reducatur aequatio ad hanc formam $z^4 \cdot b z^3 \cdot a p z \cdot z \cdot a a q \cdot z \cdot a^3 r = 0$ vel ad hanc $b z^2 \cdot a p z \cdot a a q = 0$ si cubica tantum fuerit: dein ad distantiam B D = $\frac{1}{4} b$ ducatur linea D H Axi parallela, ad sinistram quidem si fuerit $-b$, ad dextram si $+b$, parabolæ occurrens in punto D; de quo dimittatur perpendicularium in axem B D. In linea A B continuata versus B fiat B K = $\frac{1}{2} a$, & ducatur linea D K utring; interminata. Porro sit K C = 2 A B in Axe semper ultra K continuato; ac si habeatur quantitas p signo — affecta, versus easdem partes etiam sumatur C E = $\frac{1}{2} p$, vel in contrarias,

*si habeatur + p, ac e puncto E erigatur Axi perpendiculum E F (vel e puncto C si defuerit quantitas p) linea D K, si opus est continuata, occurrens in puncto F; quod quidem circuli requisi-
ti centrum est, si
defuerit quantitas
q; At si habeatur
q, sumenda est in
F E, si opus est
continuata, linea
F G = $\frac{1}{2} q$, sinis-
torsum quidem si
fuerit + q, dex-
trorsum si — q col-
locanda: Et punc-
tum G erit centrum
circuli ad construc-
tionem propositam
idonei; ejusq; Ra-
dius, si defuerit
quantitas r, hoc est
sit tantum cubica fu-
erit, erit linea G D; cuius quadratum in Biquadraticis augendum
est, si fuerit — r, vel minuendum si + r additione vel subductio-
ne rectanguli sub r & latere recto. Descripto sic Circulo, ab in-
tersectionibus ejus cum Parabola demissis in lineam D H perpen-
diculis, quae ad sinistram sunt, ut N O, radices aequationis nega-
tivas semper designant, quae ad dextram ut M L affirmativas.*

*Aliter ac paulo simplicius Aequationes cubicæ juxta Schootenii Regulam construuntur, quaq; etiam radices ad Axem referuntur: quoniam vero ipse inventor nec modum inveniendi nec demon-
strationem inventi exponit, non abs re erit ejusdem fundamentum hic adjicere, simul atq; Effectiōnem Geometricam concinniorem reddere, atq; cautionibus quibus implicatur extricare.*

Hæc Regula derivatur ex eo quod omnis aequatio Cubica reduci posset ad Biquadraticam, in qua deficit terminus secundus: Hoc fit ducendo aequationem propositam in $z - b = 0$, si fuerit + b in



α equatione, vel in $z + b = 0$, si fuerit $-b$; & α equatio nova producta easdem habebit radices cum Cubica, atq, insuper alteram ipsi $-b$ α equalem, si fuerit $-b$ in α equatione, vel contra.

Proponatur construenda $z^3 - z^2 b + apz + aaq = 0$.

Hec ducta in $z + b$ fit $z^4 - z^3 b + apz^2 + aaqz$
 $+ z^3 b - bbzz + abpz + aaqb$.


Hic deficit secundus terminus, ac coefficiens tertii $-b b + ap$
 $- \frac{b b}{2 a} + \frac{1}{2} p$ loco $\frac{1}{2} p$ vel C D in Construētione Cartesii,

& ex dimidio coefficientis termini quarti fit $+ \frac{1}{2} q + \frac{bp}{2a}$ loco
 $\frac{1}{2} q$ vel DE usurpanda; adeoq; determinatur centrum circuli que-
 sti: atq; ob datam unam ex radicibus α equationis novae, viz.
 $-b$ vel $+b$, dabitur etiam punctum in circumferentia, id est Ra-
 dius ejus. Deniq; descripto circulo, ab intersectionibus ejus cum
 Parabola demissa in Axem perpendiculara α equationis radices ex-
 bibeunt, affirmativas & negativas, eadem lege ac supra.

Investigatur autem centrum Circuli constructione querquam
 facili, ceterisq; omnibus in Cubicis præferenda. Descriptæ Pa-
 rabolæ A M D sit vertex A, atq; Axis

A F: ad distantiā ipsi
 b α qualem ducatur Axi
 parallela D K, ad dex-
 tram si fuerit $+b$ in α -
 equatione, ad sinistrām si
 $-b$, quæ Parabolæ oc-
 currat in puncto D. Cen-
 tris D & A describantur
 radiis α equalibus arcus oc-
 culti utring; sese inter-
 secantes, ac per sectio-
 num puncta ducatur linea
 interminata B C, quæ
 medio linea supposita A D
 perpendiculariter insistat,

& Axi occurrat in puncto E. Ab E, inferne quidem si in α qua-
 tione habeatur $= p$, vel superne versus A si fuerit $+p$, ponan-
 tur



tur $E F = \frac{1}{2} p$; & ex F (vel ex E si defuerit p) educatur perpendicularum $F G$, linea $B C$ occurrentis in puncto G ; & in $G F$ producta fiat $G H = \frac{1}{2} q$, dextrorsum quidem si in æquatione habeatur $-q$, aliter sinistrorsum, applicanda: ac punctum H erit centrum quæstum, $H D$ vero circuli Radius, qui demissis in axem perpendicularis ab intersectionibus suis cum Parabola, ut $L M$, Radices omnes, ut prius, monstrabit. Quomodo vero constructione hæc ex præmissis consequatur, per se satis edens est, nec opus est ut in eadem demonstranda diutius immorer.

Ne in his edendis frustraneam novasse operam, & ex aliorum inventis gloriolam captare videar, consulat Lector Cl. Bakeri librum Anno 1684 Londini editum, & quæ de hoc Argumento scripsit a Schooten in Commentario suo in Librum III. Geometriæ Cartesianæ. Brevi concesso otio tractatulum aliud de numero Radicum in hujusmodi Aequationibus, earumq; limitibus, ex contemplatione Constructionum paœcedentium, aggredi ac in lucem proferre statuo.
